



Na osnovu Odluke Uprave Društva o raspisivanju javnog konkursa za izbor i nominovanje direktora rudnika uglja Javnog preduzeća Elektroprivreda Bosne i Hercegovine d.d.-Sarajevo broj: U-01-32652/20-52/15. od 23.11.2020. godine, Javno preduzeće Elektroprivreda Bosne i Hercegovine d.d.- Sarajevo raspisuje

## **JAVNI KONKURS**

za izbor i nominovanje direktora zavisnih društava-rudnika uglja  
Javnog preduzeća Elektroprivreda Bosne i Hercegovine d.d.-Sarajevo

- I. Javno preduzeće Elektroprivreda Bosne i Hercegovine d.d. - Sarajevo raspisuje Javni konkurs za izbor i nominovanje direktora zavisnih društava-rudnika uglja Javnog preduzeća Elektroprivreda Bosne i Hercegovine d.d. – Sarajevo (u daljem tekstu: Konkurs) i to na slijedeće pozicije:
  1. Direktor Rudnika uglja „Kreka“ d.o.o.-Tuzla, sa mjestom rada u Tuzli,
  2. Direktor Rudnika uglja „Gračanica“ d.o.o.-Gornji Vakuf-Uskoplje, sa mjestom rada u Gornjem Vakufu-Uskoplju,
  3. Direktor Rudnika mrkog uglja „Kakanj“ d.o.o.-Kakanj, sa mjestom rada u Kaknju,
  4. Direktor Rudnika mrkog uglja „Breza“ d.o.o.-Breza, sa mjestom rada u Brezi,
  5. Direktor Rudnika mrkog uglja „Đurđevik“ d.o.o.-Đurđevik, sa mjestom rada u Đurđeviku,
  6. Direktor Rudnika mrkog uglja „Zenica“ d.o.o.-Zenica, sa mjestom rada u Zenici i
  7. Direktor Rudnika mrkog uglja „Abid Lolić“ d.o.o.-Travnik-Bila, sa mjestom rada u Bila-Dolac Travnik.
- II. Izbor i nominovanje direktora zavisnih društava-rudnika uglja vrše skupštine rudnika uglja, na osnovu prethodne saglasnosti Nadzornog odbora Javnog preduzeća Elektroprivreda Bosne i Hercegovine d.d.-Sarajevo.
- III. Izbor i nominovanje direktora zavisnih društava-rudnika uglja izvršiće se na period od 4 godine, s tim da skupštine rudnika svake godine, prilikom razmatranja godišnjeg izvještaja, odlučuju o mandatima direktora.
- IV. Direktori zavisnih društava-rudnika uglja organizuju i vode poslove Društva, predlažu osnovne poslovne politike, ovlašteni su i odgovorni za izradu, predlaganje i nadgledanje realizacije planova poslovanja i planiranih ciljeva, uspostavu i održavanje stabilnog stanja i odnosa unutar Društva, podnošenje Javnom preduzeću Elektroprivreda Bosne i Hercegovine d.d. – Sarajevo izvještaja o poslovanju.

Kandidati koji budu izabrani za direktore, nadležnosti i ovlaštenja utvrđena statutima i drugim općim aktima će vršiti zajedno sa prokuristima.

V. Kandidati treba da ispunjavaju slijedeće uvjete:

- da su državljani BiH,
- da posjeduju univerzitetsku diplomu visoke stručne spreme i to: tehničke, ekonomske ili pravne struke, koja je stečena po propisima koji su se primjenjivali prije početka primjene Okvirnog Zakona o visokom obrazovanju u Bosni i Hercegovini ili koja je stečena završetkom drugog ciklusa studija u skladu sa Okvirnim Zakonom o visokom obrazovanju u Bosni i Hercegovini,
- da nisu stariji od 65 godina na dan imenovanja,
- da su zdravstveno sposobni za obavljanje poslova pozicije za koju se kandidiraju,

- da imaju radno iskustvo od najmanje 5 (pet) godina u struci, od čega najmanje 3 godine na rukovodećim poslovima,
- da nisu na funkciji u političkoj stranci,
- da nisu osuđivani za krivično djelo i prekršaj (privredni prestup) nespojiv s dužnošću direktora 5 godina od dana pravosnažnosti presude, isključujući vrijeme zatvorske kazne,
- da nisu lica kojima je pravosnažnom sudskom odlukom zabranjeno obavljanje aktivnosti u okviru nadležnosti direktora,
- da su ostvarili uspješne rezultate tokom radnog iskustva,
- da imaju iskustvo i reference uglednog stručnjaka u oblastima od značaja za rad i poslovanje zavisnih društava-rudnika uglja,
- da imaju reference organizacionih i menadžerskih sposobnosti i
- da imaju program rada za period na koji se imenuju, koji je sačinjen u skladu sa Smjernicama za izradu Programa rada direktora rudnika utvrđenim od strane Uprave Javnog preduzeća Elektroprivreda Bosne i Hercegovine d.d.-Sarajevo.

VI. Kao dokaz o ispunjavanju uvjeta iz Konkursa, kandidati su dužni, u originalu ili ovjerenoj kopiji, priložiti slijedeću dokumentaciju:

- potpisanu prijavu na Konkurs sa naznakom pozicije na koju se prijavljuju,
- biografiju (CV),
- diplomu visoke stručne spreme odgovarajuće struke, koja je stečena po propisima koji su se primjenjivali prije početka primjene Okvirnog Zakona o visokom obrazovanju u Bosni i Hercegovini ili koja je stečena završetkom drugog ciklusa studija u skladu sa Okvirnim Zakonom o visokom obrazovanju u Bosni i Hercegovini,
- uvjerenje o državljanstvu (ukoliko na obrascu nema naznake da je bez roka važenja, isti ne može biti stariji od 6 mjeseci),
- potvrdu ili uvjerenje o potrebnom radnom iskustvu,
- ovjerenu izjavu da ne vrše funkciju u političkoj stranci,
- ovjerenu izjavu da u posljednjih 5 (pet) godina nisu pravosnažno osuđivani za krivično djelo nespojivo sa dužnošću direktora, isključujući vrijeme zatvorske kazne (JP Elektroprivreda BiH d.d. - Sarajevo zadržava pravo da za kandidate koji ispunjavaju uvjete po ovom Konkursu od nadležnog organa zatraži podatke iz evidencije, kako bi utvrdila tačnost podataka datih u naprijed navedenoj izjavi),
- uvjerenje da u posljednjih 5 (pet) godina nisu pravosnažno kažnjeni za privredni prijestup – prekršaj nespojiv sa dužnošću direktora, izdat od strane nadležnog suda (ne starije od 6 mjeseci),
- ovjerenu izjavu da nisu lica kojima je pravosnažnom sudskom odlukom zabranjeno obavljanje aktivnosti u okviru nadležnosti direktora,
- potpisan program rada za period na koji se imenuju koji je sačinjen u skladu sa Smjernicama za izradu Programa rada direktora rudnika utvrđenim od strane Uprave Vladajućeg društva (*Napomena: Smjernice za izradu Programa rada kandidati mogu dobiti u elektronskoj formi ukoliko se obrate zahtjevom na e-mail: h.omeragic@epbih.ba*).

Kandidati koji dostavljaju diplome strane visokoškolske ustanove dužni su u originalu ili ovjerenoj kopiji dostaviti i akt nadležnog organa u BiH o nostrifikaciji diplome u skladu sa propisima o visokoškolskom obrazovanju.

Kandidati su dužni u biografiji navesti podatke ili dostaviti odgovarajuće dokaze o ispunjavanju uvjeta koji se tiču ostvarenih rezultata tokom rada, iskustva i reference uglednog stručnjaka u oblastima od značaja za rad i poslovanje zavisnih društava-rudnika uglja, te organizacionih i menadžerskih sposobnosti.

Kandidati koji budu izabrani biće upućeni na ljekarski pregled radi utvrđivanja njihovog zdravstvenog stanja i radne sposobnosti za obavljanje poslova pozicije na koju su izabrani.

VII. Kandidati koji budu izabrani za direktore zavisnih društava-rudnika uglja zasnivaju radni odnos na neodređeno vrijeme.

JP Elektroprivreda BiH d.d. - Sarajevo zadržava pravo da za kandidate koji ispunjavaju uvjete po ovom Konkursu kod nadležnih organa provjeri tačnost podataka datih u izjavama.

Rok za podnošenje prijave je 15 (petnaest) dana od dana objavljivanja Konkursa.

Sa kandidatima koji ispune uvjete iz Konkursa obaviti će se intervju.

O vremenu, mjestu i načinu održavanja intervjua kandidati će biti blagovremeno obaviješteni.

**Napomena: kandidati koji se prijavljuju na više od jedne pozicije, dužni su u prijavi navesti pozicije na koje se prijavljuju, te za svaku poziciju dostaviti poseban program rada.**

Kandidati su dužni dostaviti prijave sa naznakom pozicije na koju se prijavljuju i potrebnom dokumentacijom, lično ili putem pošte, na adresu:

**JP Elektroprivreda BiH d.d.-Sarajevo**  
**Sektor za ljudske resurse**  
**71000 Sarajevo**  
**Vilsonovo šetalište 15**

**Sa naznakom „Javni konkurs za izbor i nominovanje direktora zavisnih društava-rudnika uglja“**

Nepotpune i neblagovremene prijave neće se uzeti u razmatranje.

Kandidati će biti pismeno obaviješteni o ishodu Konkursa, a priložena dokumentacija neće se vraćati.